



PRIJEDLOG

Broj: DPA/03-02-4-115/24
Datum 16.05. 2024. godine

Na osnovu člana 24. Zakona o ministarstvima i drugim organima uprave Bosne i Hercegovine ("Službeni glasnik BiH" br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine ("Službeni glasnik BiH", broj 94/14), Centar za uklanjanje mina u Bosni i Hercegovini podnosi

**IZVJEŠTAJ O RADU
CENTRA ZA UKLANJANJE MINA U BOSNI I HERCEGOVINI ZA 2023. GODINU**

UVOD

Bosna i Hercegovina spada u red zemalja koje se suočavaju sa velikim minskim problemom. Polazeći od pretpostavke da karakter minskog problema zahtjeva efikasno upravljanje rizikom kroz neprekidno procjenjivanje minske situacije, Centar za uklanjanje mina u Bosni i Hercegovini (u daljem tekstu: BHMAC) je zajedno sa projektnim partnerima Oružane snage Bosne i Hercegovine (OS BiH) i Norveška narodna pomoć u Bosni i Hercegovini (NPA BiH) u 2020. godini realizovao aktivnosti u sklopu projekta pod nazivom: "Opšta procjena minski sumnjivih područja u Bosni i Hercegovini 2018-2019" financiran od strane Evropska unija (EU) preko Instrumenta za doprinos stabilnosti i miru (IcSP). Realizovani projekat je u velikoj mjeri olakšao provođenje operacija netehničkog izviđanja u protekloj godini i predstavlja dalju osnovu za nastavak procesa prikupljanja, obrade i analize podataka sa ciljem da se poboljša efikasnost protuminskih akcija u Bosni i Hercegovini kroz unaprijeđenu procjenu opasnosti od mina i kasetne municije i njezinog uticaja na minski ugrožene zajednice.

REALIZACIJA STRATEŠKIH I OPERATIVNIH CILJEVA

U 2023. godini misija svih učesnika u realizaciji strateških i operativnih ciljeva odnosila se na eliminaciju, odnosno smanjenje rizika na prihvatljiv nivo, uspostavljanje sigurnog okruženja za ugroženo stanovništvo, podsticaj održivom povratku i socio-ekonomskom razvoju u ugroženim zajednicama, odnosno ugroženim općinama minama/ESZR/kasetnom municijom. Koncept protuminskog djelovanja se zasniva na pretpostavci da karakter i veličina problema zahtjevaju što efikasnije upravljanje rizikom kroz neprekidno procjenjivanje uticaja mina/ESZR/kasetne municije, efikasno planiranje i koordinaciju, te povezivanje svih komponenti protuminskog djelovanja.

Akcentat je bio na rješavanju problema kroz integralni pristup protuminskim akcijama u visoko ugroženim zajednicama i kroz implementaciju grupa projekata u srednje i nisko ugroženim zajednicama u cilju smanjenja rizika, odnosno stvaranja uvjeta za korištenje minama/ESZR/kasetnom municijom blokiranih resursa, obnove i održivog povratka.

Težište protuminskog djelovanja u 2023. godini je bio nastavak raelizacije projekata vraćanja površine /Land Release/. Koncept vraćanja površine /Land Release/ se zasniva na principu da se obradi i oslobodi što više sumnjive površine uz što manje vremena i uštedu finansijskih sredstava.

Primjenom procedura ciljanog tehničkog izviđanja provjeravaju se postojeće informacije i prikupljaju nove kako bi se u konačnom ishodu definirale stvarne granice miniranosti koje treba deminirati, a preostali dio zemljišta osloboditi od sumnje na opasnost od mina i vratiti krajnjem korisniku na upotrebu.

U januaru 2024. godine veličina sumnjive opasne površine na mine u Bosni i Hercegovini iznosi 838,29 km² ili 1,63% u odnosu na ukupnu površinu Bosne i Hercegovine. U 2023. godini kroz završetak dvanaest (12) zadataka minski sumnjivih područja-MSP na sigurno korištenje vraćena je površina od 13.624.564 m², a pronađeno je i uništeno ukupno 691 mina i 368 komada NUS-a. Operacije tehničkog izviđanja, čišćenja mina i kasetne municije završene su na šezdeset jednom (61) zadatku i na kraju izvještajne godine certificirana površina iznosi 1.945.612 m². U navedenim operacijama pronađene su i uništene 123 mine, a od toga 95 komada protupešadijskih mina, 28 protutenkovskih mina i 101 komad ESZR.

U okviru ove vraćene površine od 1.945.612 m² operacijama tehničkog izviđanja uklonjena je minska opasnost na površini od 1.317.219 m², operacijama čišćenja mina očišćena je ukupna površina od 177.894 m², dok je na osam (8) zadataka kasetne municije tehnički izviđena i očišćena površina od 450.499 m². Na zadacima kasetne municije pronađeno je i uništeno 120 komada kasetne municije i 12 komada ESZR.

Na MSP-ovima i pojedinačnim projektima za čišćenje i tehničko izviđanje koji su završeni u 2023. godini ukupna površina vraćena na sigurno korištenje iznosi 15,12 km². U 2023.godini ukupno je pronađeno i uništeno 814 mina i 481 ESZR. Procjenjujemo da je preostali broj očekivanih mina u BiH iznosi 170.657.

U 2023.godini je ukupno vraćeno kroz netehničke metode 16,38 km² površine što zajedno sa zemljištem vraćenog kroz tehničke metode ukupno iznosi 31,95 km² zemljišta vraćenog na korištenje lokalnim zajednicama. Procenat implementacije strategije protuminskog djelovanja u pogledu mjerljivog pokazatelja koji se odnosi na vraćenu površinu iznosi 25%. U toku je revizija strategije protuminskog djelovanja. Očekujemo da ćemo izradu revidiranog dokumenta završiti do kraja maja 2024. godine.

Pregledom stanja u januaru 2024.godine u toku je realizacija trideset četiri (34) projekta MSP od 56,6 km² i šest (6) pojedinačnih zadataka tehničkog izviđanja i čišćenja površine 0,52 km².

Od početka provođenja operacija tehničkog izviđanja i čišćenja mina u Bosni i Hercegovini od 1996. godine zaključno sa 2023. godinom vraćena je na sigurno korištenje površina od 3.343 km², a pronađeno i uništeno ukupno 75.232 protupješadijskih mina, 8.813 protutenkovskih mina i 71.122 komada ESZR.

Bosna i Hercegovina je podnijela Zahtjev za produženje roka za ispunjenje obaveza po članu 4. Konvencije i odobren je novi rok za ispunjenje obaveza do septembra 2023. godine. Bosna i Hercegovina je ispunila obaveze iz Konvencije u zadatom roku. Bosna i Hercegovina je putem Stalne misije u Ženevi dostavila međunarodnim institucijama odgovornim za provođenje Konvencije o kasetnoj municiji Deklaraciju o ispunjenju obaveza iz člana 4. Konvencije o kasetnoj municiji i državu Bosnu i Hercegovinu proglasila očišćenom od kasetne municije. Obaveza izvještavanja o Konvenciju o kasetnoj municiji ostaje period od 01.01. – 31.08.2023. godine u kojem su se provodile aktivnosti do ispunjenja roka.

UPOZORAVANJE NA OPASNOST OD MINA

Upozoravanje na mine u 2023. godini je realizirano kroz javno informiranje, edukaciju ugroženih i ostalih grupa stanovništva, kao i kroz povezivanje protuminskih akcija sa ugroženim zajednicama.

Projektima upozoravanja na mine, pored izviđačkih timova Centra za uklanjanje mina u BiH, angažirane su akreditirane deminerske organizacije, organizacije za upozoravanje na mine, EUFOR i IOM koji su u 2023. godini obuhvatili direktno 61.489 osoba Organizacija Norveška narodna pomoć je aktivnostima upozoravanja na mine u ugroženim lokalnim zajednicama obuhvatila 34.985 osoba, 17.337 žena i 17.648 muškaraca. Direktno kroz aktivnosti edukacije i povezivanja sa lokalnom zajednicom ukupno 4.327 osoba. Indirektno kroz aktivnosti javnog informiranja obuhvaćeno je 30.658 osoba.

Organizacija Posavina bez mina je aktivnostima upozoravanja na mine u ugroženim lokalnim zajednicama obuhvatila 380 osoba. Lovačka društva su detektirana kao posebno ugrožena populacija, te je kao takva obuhvaćena posebnim projektom upozoravanja na mine u tri lovačka društva na području Brčko Distrikta Bosne i Hercegovine. Kampanjom upozoravanja na opasnost od mina koju je provodio BHMACH u suradnji sa osnovnim školama u Bosni i Hercegovini obuhvaćeno je 40.164 djece, 19.767 djevojčica i 20.397 dječaka.

EUFOR je konstantno provodio aktivnosti upozoravanja na mine za sve ugrožene kategorije stanovništva obuhvativši direktno 14.971 osobu, 7.359 žena i 7.612 muškarca.

U strukturi Društva Crvenog krsta/križa održana su takmičenja Misli Mine BiH, počev od školskih, općinskih, regionalnih/kantonalnih entitetskih, zaključno sa državnim takmičenjima. Na svim nivoima takmičenja direktno učešće je uzelo 1.310 učenika 7. razreda osnovne škole, 450 dječaka i 860 djevojčica.

Organizacija IOM je provela aktivnosti upozoravanja na opasnost od mina migranata i tom aktivnošću je obuhvaćeno direktno 337 osoba, 52 žena i 285 muškaraca.

U izvještajnom periodu organizirane su dvije obuke za instruktore upozoravanja na opasnost od mina na kojima je obučeno 38 polaznika.

Centar za uklanjanje mina u Bosni i Hercegovini vrši konstantnu promociju projekta koji je realizovan u suradnji sa UNDP, a radi se o aplikaciji za upozoravanje na opasnost od mina „BiHMine“ koja u velikoj mjeri doprinosi razvoju svijesti o blizini minski sumnjivih područja.

Operacijama hitnog obilježavanja kao sastavnog dijela operacija humanitarnog deminiranja i upozoravanja na mine Ured Sarajevo/ regionalni uredi postavili su 971 miska znaka hitnog obilježavanja, a Kancelarija Banja Luka/ regionalne kancelarije 1.233 znakova.

POMOĆ ŽRTVAMA MINA

U 2023. godini organizacija amputiraca UDAS realizovala je projekat pod nazivom „Osnaživanje amputiraca, žrtava mina kroz ekonomsku podršku“. Donator/partner ovom projektu je Fond za profesionalnu rehabilitaciju i zapošljavanje invalida Prijedor. Ostvareni rezultati: osigurana ekonomska podrška u nabavci opreme, mašina, alata u poljoprivredi za 17 korisnika, žrtava mina u Republici Srpskoj. Podrška je podrazumijevala nabavku opreme mašina i alata, stočnog fonda, platenika, freza, motokultivatora i dr.

Organizacija amputiraca UDAS u 2023. godini realizirala je i projekat „Pčelarstvo kao alat u osnaživanju žrtava mina u BiH – faza 3“. Partneri/donatori projekta su: ITF Slovenija, Pčelarska akademija Slovenije, Ministarstvo vanjskih poslova Slovenije, Ministarstvo poljoprivrede, šumarstva i vodoprivrede Republike Srpske. U okviru ovog projekta 29. marta 2023. godine otvoren je Centar za pčelarstvo za žrtve mina u Banja Luci. Otvaranje Centra imalo je za cilj da centar bude mjesto na kojem će pčelari, žrtve mina, ali i svi zainteresirani ljubitelji pčelarstva moći da dobiju neophodne informacije o pčelarstvu, počev od edukacije, neophodne opreme u pčelarstvu, informacije o novim tehnologijama, izazovima na polju pčelarstva i sl. Uloga centra ogleda se i u povezivanju korisnika, pčelara sa pružaocima usluga kao što su fondovi, agencije i druge institucije koje mogu biti od značaja u razvoju malih biznisa u pčelarstvu za žrtve mina i drugih osoba sa invaliditetom. U centru je angažiran stručni tim koji će direktno raditi sa korisnicima na terenu i pružati potrebnu savjetodavnu podršku pčelarima.

Realiziran je edukativni trening za žrtve mina od 29. do 30. marta 2023. godine, na kome je prisustvovalo 52 učesnika, od čega 42 žrtve mina iz BiH, 5 predstavnika Poljoprivrednog fakulteta Banja Luka i Grada Banja Luka, 1 žena sa invaliditetom. Cilj treninga je osposobiti žrtve mina u BiH za vođenje malih biznisa u oblasti pčelarstva, mogućnost nabavke dijela opreme za pčelarstvo, kao i način umrežavanja žrtava mina koji se bave pčelarstvom. U okviru projekta osigurana je nabavka opreme za korisnike, žrtve mina. Kupljena je pčelarska oprema za 2 korisnika, žrtve mina koji se bave pčelarstvom i koji su bili učesnici edukativnog treninga i članovi su Udruženja pčelara sa invaliditetom i žena „PČELICA“.

Projekat „Investing in Action 2023“ realiziran je od strane UDAS-a u toku 2023. godine, a partner projekta je Međunarodna koalicija za zabranu mina ICBL, Ženeva. U okviru projekta održan je sastanak sa predstavnicima Vlade Republike Srpske, ministarstvom zdravlja i socijalne zaštite, predstavnicima civilnog sektora, organizacija osoba sa invaliditetom. Tokom sastanka razgovarano je o trenutnom statusu i položaju žrtava mina u Republici Srpskoj, Federaciji BiH.

U decembru 2023. godine održan je okrugli sto na temu „BiH bez mina, žrtava i barijera“. Na sastanku je učestvovalo 19 žrtava mina. Tema razgovora odnosila se na trenutni status žrtava u BiH kao i pitanja koja se odnose na protuminske akcije. Naglašena je i važnost osnaživanja žrtava mina i njihova kvalitetna integracija u zajednicu.

Koordinaciono tijelo Bosne i Hercegovine za pomoć žrtvama mina, kasetne municije i eksplozivnih sredstava zaostalih iz rata kao stručno i savjetodavno tijelo Ministarstva civilnih poslova Bosne i Hercegovine, osnovano je 2018. godine. Zadatak ovog tijela je koordinacija sa svim organizacijama i institucijama uključenim u pomoć žrtvama od mina. U toku 2022. godine istekao je mandat Koordinacionog tijela. U 2023. godini nije došlo do uspostavljanja

rada Koordinacionog tijela, koje se u prethodnom periodu suočilo sa nizom objektivnih ograničenja, uključujući nemogućnost donošenja odluka zbog nedostatka kvoruma kao i pandemije COVID 19. U toku 2024. godine, očekuje se ponovno uspostavljanje rada ovog tijela.

OSIGURANJE KVALITETA

U 2023. godini izdato je 975 ovlaštenja i 84 akreditacije za protuminsko djelovanje u Bosni i Hercegovini. U 2023. godini produženo je 5 akreditacija za deminerske organizacije.

Inspektori kontrole kvaliteta Centra za uklanjanje mina u Bosni i Hercegovini obavili su 2.657 stručna nadzora/inspekcije na 97 zadataka U cilju sticanja ili obnove akreditacije, odnosno redovne godišnje provjere, u 2023. godini izvršeno je 103 testiranja metal detektora, 61 testiranje prega¹ i 2 testiranja mašina za deminiranje. U cilju sticanja ili obnove akreditacije, odnosno nabavke nove opreme, kod 11 organizacija izvršeno je 17 pregleda i procjene upotrebljivosti opreme i sredstava.

ZAGOVARANJE

U okviru obilježavanja 4. Aprila Međunarodnog dana podizanja svjesnosti o opasnostima od mina, u prisustvu predstavnika lokalnih vlasti, domaćih i stranih organizacija i medija, na području MSP Vojkovići, opština Istočna Ilidža, predstavnici Centra za uklanjanje mina u BiH, u suradnji sa Oružanim snagama BiH, su još jednom skrenuli pažnju da je naša zemlja i dalje jedna od minski najugroženijih u Evropi i u svijetu, sa preko 500 000 ugroženih građana.

U maju 2023. godine, predstavnici Centra za uklanjanje mina u BiH uspješno su završili Kurs o sistemima upravljanja kvalitetom u protuminskom djelovanju, koji je održan u Podgorici, Republika Crna Gora. Istaknut je veliki značaj upravljanja minskim djelovanjem i urgentnom potrebom za većom prekograničnom saradnjom, kako bi se riješili izazovi koje nosi minska opasnost.

U istom mjesecu je održana Druga konferencija o protuminskom djelovanju i putu ka postizanju održivih ciljeva, u okviru koje su predstavnici regionalnih agencija za protuminsko djelovanje održali sastanak, kome su prisustvovali predstavnici Bosne i Hercegovine, Srbije, Hrvatske, Crne Gore i Azerbejdžana. Razgovarano je o potrebi jačanja regionalne saradnje, te realizaciji projekata kojima bi se mobilizirala potrebna finansijska sredstva, a sve u cilju postizanja zajedničkog cilja i konačnog otklanjanja minske opasnosti. Istaknuta je važnost saradnje sa susjednim centrima, te razmjene iskustava i znanja, kao i potrebu rada na novim, efikasnijim i efektivnijim metodama.

¹ Prega – vodič psa i pas za otkrivanje eksploziva

Također, tokom maja 2023. godine, predstavnici Centra za uklanjanje mina u BiH, učestvovali su i na Drugoj međunarodnoj konferenciji o protuminskom djelovanju i postizanju ciljeva održivog razvoja. Konferencija je održana u Bakuu, Azerbejdžan, u organizaciji ANAMA-Državne agencije za protuminske akcije Azerbejdžana, a u cilju izgradnje novih partnerstava između zemalja pogođenih problemom mina i mobilizaciji resursa za ubrzanje postizanja svijeta bez mina, uključujući stalne napore za zagovaranje novog SDG-a protiv mina.

U maju 2023. godine, Centra za uklanjanje mina u BiH su posjetili predstavnici Biroa za vojno politička pitanja iz State Departmenta. Razgovarano je na temu aktuelnih pitanja vezanih za implementaciju projekata protuminskog djelovanja, te nastavka podrške State Departmenta realizaciji istih. Još jednom je izražena važnost kontinuiranih ulaganja i napora za uspostavljanje sigurnosti i omogućavanja razvoja zemlje u cjelini.

U junu 2023. godine, u saradnji sa Norveškom narodnom pomoći iz BiH i Laosa, Centar za uklanjanje mina u BiH, posjetili su predstavnici državnih struktura za protuminsko djelovanje, Narodne Demokratske Republike Laos. Tokom posjete, cijenjenim gostima je predstavljen sistem protuminskih struktura u našoj zemlji, te uloga Centra za uklanjanje mina u BiH, kao i preostala problematika uklanjanja mina i ESZR.

Tokom učešća na redovnim interesijskim sastancima, održanim u junu 2023.godine u Ženevi, još jednom smo kao država podsjetili, da smo snažno opredijeljeni u konačnoj eliminaciji preostalih mina i neeksplozivnih ubojitih sredstava.

Tokom juna 2023. godine, predstavnici Centra za uklanjanje mina u BiH, učestvovali su na Preglednoj konferenciji na temu Zakonodavni okvir, aktuelno stanje i planovi institucija BiH u oblasti obrane i zaštite. Konferenciju je organizirala Zajednička komisija za odbranu i sigurnost BiH u saradnji sa Misijom OSCE, a u cilju pregleda trenutnog stanja u oblasti obrane i sigurnosti. Istaknuto je da Revizija postojeće Strategije protuminskog djelovanja, ima za cilj usklađivanje svih aktivnosti sa rokom preuzetom u skladu sa Konvencijom o zabrani PP mina, te da će pored vremenskog okvira, akcenat biti stavljen na kapacitete i spremnost domaćih vlasti da učestvuju u implementaciji operacija deminiranja.

U julu 2023. godine, Centar za uklanjanje mina u BiH prisustvovao je promociji 3D modela kranjske pčele, koja ima za cilj da ukaže na važnost uloge pčela, kao najvažnijih oprašivača, te njihovom značajnom doprinosu ublažavanju klimatskih promjena i očuvanju okoliša. Naglašena je važnost podrške žrtvama mina u oblasti pčelarstva, koje će unaprijediti njihov oporavak, rehabilitaciju i osnaživanje u društvene tokove.

Centar za uklanjanje mina u BiH je u julu 2023. godine, učestvovao na 26 Sastanku Direktora i UN Savjetnika za protuminsko djelovanje, pod nazivom Protuminsko djelovanje ne može čekati, tradicionalno organizuje UNMAS, organizovanim u saradnji sa Ženevskim centrom za humanitarno djelovanje, a uz podršku Švajcarskog ministarstva vanjskih poslova. U sklopu sastanka, održan je niz plenarnih sesija na temu protuminskog djelovanja, te su predstavnici Centra za uklanjanje mina u BiH na temu Integracije uticaja mina na okoliš, istaknuli da kao država ozbiljno shvatamo sigurnost životne sredine, te da ovo važno pitanje treba postati dio narednog akcionog plana Konvencije.

U okviru održavanja 29. Sarajevo Film Festivala, tokom augusta 2023.godine, prikazan je 30 minutni dokumentarni film Bomba, autora Ariana Berberovića, bh autora, koji živi u SAD, a u filmu kao glavni glumac se vraća u svoju domovinu, kako bi istražio još uvijek veliki minski problem. O istom razgovara sa predstavnicima svih vodećih agencija uključenih u rješavanje minske situacije. Film je urađen u saradnji sa Centrom za uklanjanje mina u BiH, Paraolimpijskim komitetom i NVO Norveška narodna pomoć.

U septembru 2023.godine, u Ženevi, a u sklopu 11. Sastanka zemalja članica Konvencije o zabrani proizvodnje, upotrebe, skladištenja i transfera kasetne municije, predstavnici Centra za uklanjanje mina u Bosni i Hercegovini, podnijeli su i zvanični izvještaj o završetku zadataka čišćenja kasetne municije u Bosni i Hercegovini. Istaknuto je da su sve obaveze u dijelu koje se odnosi na član 4. Konvencije ispoštovane, a zaključno sa 1. septembrom 2023.godine. Ovaj izuzetan uspjeh naše države, postignut je u saradnji sa partnerskim organizacijama, NVO Norveškom narodnom pomoći, Republičkom upravom civilne

zaštite, Federalnom upravom civilne zaštite i Oružanim snagama BiH, koji su uz stručnu pomoć i nadzor Centra za uklanjanje mina u BiH, uspješno završili preuzete zadatke.

U decembru 2023. godine, u Ljubljani je u organizaciji ITF Enhancing Human Security, a uz podršku Central European Initiative-CEI, održan 31. sastanak SEEMACC. Sastanak pod nazivom Podrška Regionalnoj saradnji u protuminskom djelovanju, imao je za cilj razmjenu znanja i prakse u implementaciji projekata protuminskog djelovanja u regionu. Sastanku su prisustvovali predstavnici svih državnih tijela i posmatrača uključujući Bosnu i Hercegovinu, Sjevernu Makedoniju, Srbiju, Hrvatsku, Albaniju i Sloveniju.

Sjednica Odbora donatora za protuminsko djelovanje, održana je tokom decembra 2023.godine u Sarajevu, uz prisustvo predstavnika svih ključnih donatora u ovoj oblasti. Još jednom je iskazana posvećenost procesu deminiranja u BiH i najavljen nastavak pružanja kontinuirane podrške protuminskom djelovanju.

Tokom 2023. godine, www.bhmac.org je redovnim ažuriranjem, pružao sve aktuelne informacije vezane za rad Centra za uklanjanje mina u BiH i protuminskog djelovanja, a u cilju doprinosa i zalaganja primjeni Standarda proaktivne transparentnosti. Objava svih dostupnih informacija online, ima za cilj zadovoljenje interesovanja i potrebe građana u domenu protuminskog djelovanja.

Istovremeno, Centra za uklanjanje mina u BiH je kontinuiranim izvještavanjem i stalnim i efektivnim kontaktom sa predstavnicima domaćih i stranih medija i internet portala, omogućio da svi zainteresovani dobiju tražene podatke, te da javnost bude blagovremeno informirana o trenutnim rezultatima i projektima, te budućim planovima.

INFORMACIJA O STANJU RAVNOPRAVNOSTI SPOLOVA

Broj zaposlenih u BHMACH-u je 154, od čega je 37 žena i 117 muškarca. Na pozicijama direktora i pomoćnika direktora zaposlena su dva muškarca i 1 žena. Na pozicijama šefova osnovnih i unutrašnjih organizacionih jedinica zaposleno je 14 muškaraca i 4 žene. Ostalih državnih službenika je 21, od čega 12 muškaraca i 9 žena.

Broj zaposlenika u BHMACH-u je 112, od čega 89 muškaraca i 23 žene.

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA CENTRA ZA UKLANJANJE OPASNIH TJELOVA IZ OKOLIŠA U BIH													
Opći cilj/ načela razvitka: Održiv razvoj													
Strateški cilj: Poboljšanje upravljanja okolišem i razvoj infrastrukture uz povećanje otpornosti na klimatske promjene.													
Srednjoročni cilj: Osigurati uvjete za kontinuirano deminiranje u BiH													
Specifični cilj: Smanjenje minske opasnosti u 2023. godini													
Programi, projekti i aktivnosti	Nosilac aktivnosti	Pokazatelji					%	Izvori finansiranja i troškovi				Vrijeme provođenja	
		mjerena (% , broj ili opisno)	Polazna vrijednost (n)	Ciljana vrijednost (n+1) Ostvarena	vrijednost na kraju godine			(budžet, krediti, donacije, ostalo)	se razlikuju u odnosu na Program rada za 2022.godinu, zbog promjene u planiranim i odobrenim budžetskim troškovima.)	Ostvareni troškovi	%	Planirani kvartal za provođenje	kvartal kada je aktivnost
1	2	3	4	5	6	7	7	8	9		10	11	
1.1.	1.2.	1.3. P 1. PLANIRANJE I PROJEKTOVANJE											
Priprema projekata	BHMAC	KM 2	0	139	79,00	57%	Budžet	2,269,800	2,145,151	95%	I-IV	I-IV	
Obilježavanje sumnjive opasne površine	BHMAC	KOM	0	7.500	2.204	29%	Budžet	317,772	300,321	95%	I-IV	I-IV	
Priprema ili revizija Operativnih planova za minski ugrožene zajednice	BHMAC	KOM	0	32	30	94%	Budžet	1,539,600	1,415,800	92%	I-IV	I-IV	
Izdavanje stručnih mišljenja za površinu bez vidljivog rizika	BHMAC	KOM	0	62	46	74%	Budžet	412,428	429,030	104%	I-IV	I-IV	
P 2. OSIGURANJE KVALITETA													
Broj inspeksijskih i stručnih nadzora na terenu	BHMAC	KOM	0	4.000	2.657	66%	Budžet	2,421,120	2,288,162	95%	I-IV	I-IV	
Akreditirati organizacija	BHMAC	KOM	0	12	24	200%	Budžet	151,320	143,010	95%	I-IV	I-IV	
Testiranje resursa deminerskih organizacija (prega, MD, zaštitne opreme)	BHMAC	KOM	0	1.500	165	11%	Budžet	121,056	114,008	94%	I-IV	I-IV	
Obaviti unutrašnjih kontrola	BHMAC	KOM	0	40	17	43%	Budžet	181,084	143,410	79%	I-IV	I-IV	
Odgovoriti zahtjeva	BHMAC	KOM	0	80	71	89%	Budžet	151,820	171,612	113%	I-IV	I-IV	

deminerskih organizacija										
--------------------------	--	--	--	--	--	--	--	--	--	--

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA CENTRA ZA UKLANJANJE MINA U BiH							
Opći cilj/ načela razvitka: Unaprijeđenje poslovnih procesa u BHMAC-u							
Strateški cilj: Osigurati da propisi BHMAC-a obezbjeđuju zahtjevanu kvalitetu procesa rada BHMAC-a							
Srednjoročni cilj: Unaprijediti postojeće propise i prilagoditi ih zakonskim izmjenama i procedurama rada							
Specifični cilj: Donijeti propise kojim se utvrđuje obavezno namjensko trošenje budžetskih sredstava i reguliše postupanje u protivminskom djelovanju							
Naziv zakona	Vrijeme provođenja		Status zakona zaključno sa 31.12.2023. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
Zakon o deminiranju Bosne i Hercegovine – Novelirani tekst	3-4	NE	NE	NE	NE	NE	Aktivnost nije provedena planirana u 2024. godini

Aktivnost nije izvršena prema planu zbog složenosti i ograničenih kadrovskih resursa.

IV - IZVJEŠTAJ O IZRAĐENIM PODZAKONSKIM AKTIMA PLANIRANIM GODIŠNJIM PROGRAMOM RADA CENTRA ZA UKLANJANJE MINA U BiH							
Opći cilj/ načela razvitka: Održiv razvoj							
Strateški cilj: Poboljšanje upravljanja okolišem i razvoj infrastrukture uz povećanje otpornosti na klimatske promjene.							
Srednjoročni cilj: Osigurati uvjete za kontinuirano deminiranje u BiH							
Specifični cilj: Smanjenje minske opasnosti u 2023. godini							
Naziv podzakonskog akta	Vrijeme provođenja		Status podzakonskog akta zaključno sa 31.12.2023. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3	4	5	6	7	8
Standard za upravljanje i održavanje informacionog	3-4	NE	NE	NE	N/P	N/P	Aktivnosti nisu realizovane, planirane u 2024. godini

sistema za PMD u BiH							
Standard za protuminsko djelovanje u BiH	3-4	NE	NE	NE	N/P	N/P	Aktivnosti nisu realizovane, planirane u 2024. godini
Standard za osiguranje kvaliteta za Netehničko izviđanje	3-4	NE	NE	NE	N/P	N/P	Aktivnosti nisu realizovane, planirane u 2024. godini
Izmjene i dopune standarda za UES	3-4	NE	NE	NE	N/P	N/P	Aktivnosti nisu realizovane, planirane u 2024. godini
Standard za podvodno deminiranje	3-4	NE	NE	NE	N/P	N/P	Aktivnosti nisu realizovane, planirane u 2024. godini
Izmjene i dopune standarda BiH – Poglavlje I - Obuke	3-4	NE	NE	NE	N/P	N/P	Aktivnosti nisu realizovane, planirane u 2024. godini

Aktivnost nije izvršena prema planu zbog složenosti i ograničenih kadrovskih resursa.

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA CENTRA ZA UKLANJANJE MINA U BiH							
Opći cilj/ načela razvitka: Održiv razvoj							
Strateški cilj: Poboljšanje upravljanja okolišem i razvoj infrastrukture uz povećanje otpornosti na klimatske promjene.							
Srednjoročni cilj: Osigurati uvjete za kontinuirano deminiranje u BiH							
Specifični cilj: Smanjenje minske opasnosti u 2023. godini							
Naziv međunarodnog ugovora	Vrijeme provođenja		Status zakona zaključno sa 31.12.2023. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1.(naziv programa)							
1.1.1 (naziv projekta)							
1.1.1.1 (naziv međunarodnog ugovora)							
1.1.1.2 (naziv međunarodnog ugovora)							
1.1.2 (naziv projekta)							
1.2.(naziv programa)							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA CENTRA ZA UKLANJANJE MINA U BiH				
Opći cilj/ načela razvitka: Održiv razvoj				
Strateški cilj: Poboljšanje upravljanja okolišem i razvoj infrastrukture uz povećanje otpornosti na klimatske promjene.				
Srednjoročni cilj: Osigurati uvjete za kontinuirano deminiranje u BiH				
Specifični cilj: Smanjenje minske opasnosti u 2023. godini				
Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani peiod realizacije	Završen (DA/NE)		
1	2	3	4	5
1.1.(naziv programa)				
1.1.1 (naziv projekta)				
1.1.1.1 (naziv projekta javnih investicija)				
1.1.1.2 (naziv projekta javnih investicija)				
1.1.2 (naziv projekta)				
1.2.(naziv programa)				

VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

Prilikom izrade prijedloga Godišnjeg izvještaja o radu, provedene su javne konsultacije putem platforme e-konsultacije. Javne konsultacije su provedene u periodu od 06.03.2024 godine do 21.03.2024 godine.

Izvještaj o provedenim javnim konsultacijama je prilog ovog Izvještaja.

v.d. Direktor
Enis Horozović